


# This is my language: i students dal Istitût "Magrini Marchetti" di Glemone intun progetto europeo su lis lenghis

Tes isulis Baleârs, il campus ECCA - European Charter Classroom Activities

Sul tacâ dal 2023 diviersis scuelis Europeanis a àn partecipât a un concors organizât te suaze dal progetto ECCA - European Charter Classroom Activities (Ativitâts in aule su la Cjarte europeane des lenghis regionâls o minoritariis). Aes studentis e ai students di vot regions cun lenghis di minorance, e tra chês il Friûl, ur è stât domandât: "Parcè la int varessie di visitâ la tò region linguistiches?".

I zovins selezionâts tant che autôrs des rispostis plui creativis - dome vincjecuatri - a àn vude la oportunitât di partecipâ al campus ECCA e di "passâ i confins cu la proprie lenghe".

I students (tra i 14 e 17 agns) des vot regions linguistiches, graciis ae poie dai partners dal progetto ECCA, e fra chei la ARLeF - Agjenzie regional pe lenghe furlane, a àn podût cussì celebrâ lis lôr lenghis e vivi esperiencis che a puartaran simpri tal cûr. Tes Isulis Baleârs, dulà che al è



I zovins che a àn partecipât al campus ECCA

stât fat il campus, a representâ il Friûl a jerin Nicholas Forgiarini, Caterina Picco e Giorgia Giacobbi, dal Istitût "Magrini Marchetti" di Glemone, compagnâts de professore Nicoletta Bosa.

## SCACS: si imparin a scuele, par furlan

Imparâ i scacs e, zuiant, imparâ une lenghe. Al è chest l'obietif di un progetto de scuele di scacs Vera Menchik, sostignût de ARLeF, che al è rivât insom cu la stampa dal libri "SCACS". Dutis lis regulis dal zûc (e alc di plui). Un strument gnûf che al sclarîs il movisi armoniôs, e cualchi volte aventureôs, dai tocs, intes sessantecuatri cjasis de scachiere, e che al vûl testemoneâ cemût che une lenghe minoritarie e puedi cjatâ il so puest intune forme di comunicazion gnove, ma tal stes temp antighe.

Il libri al è stât presentât di pôc in occasion dai Campionâts talians di scacs dai Zovins, che a son stâts fats a Tarvis. A son intervignûts i representants plui impuantants de Federazion scachistiche taliane, il diretôr de ARLeF, William Cisilino, e Vanni Tissino, responsabil de Vera Menchik.

Il binomi furlan-scacs al ufris ai fruts une vore di vantaçs: la educazion plurilengâl, cemût che e dimostre la ricercje scientifice, e puarte ai frutins beneficis cognitifs, sociâi e culturâi. Introdusi il zûc dai scacs vie pe etât evolutive al jude fruts e fantats a passâ tapis fondamentâls intal disvilup dal cerviel, de personalitat e dal compuwartament. Propit su la fonde di cheste premesse impuantante, al è stât definit il progetto che, pe prime volte in Italie, al fâs in maniere che une lenghe minoritarie, il furlan, e sedi doprade intes scuelis par insegnâ il zûc antîc e nobil dai scacs.

In plui che fâ escursions, partecipâ a un laboratori su la improvisazion teatrâl e celebrâ lis lenghis intune serade di musiche, une des ativitâts plui particolârs di cheste esperienze e je stade chê di creâ un rap plurilengâl (furlan, galês, frison, magjâr, finlandês, catalan, basc e ladin). "This is my language" ("Cheste e je la mî lenghe") e je la cjançon regjistrade e produsude di une compagnie catalane locâl (@swingmallorca @andrewflatvega). I participants al campus a àn ancje podût sperimentâ il gjornalism mobil (MoJo): ogni representance linguistica e à scrit un articul li che e à contât ce che si varès di fâ pe proprie lenghe.

Il progetto ECCA, cofinanziât dal NPLD - Network to Promote Linguistic Diversity, rêt paneuropeane cun sede a Bruxelles che e labore tal cjamp des politichis linguistichis, al è nassût tal 2019 cul obietif di disvilupâ un percors didatic che al aprofondis i ponts de Cjarte europeane des lenghis regionâls o minoritariis.